



**A**drianus apud Belgas natus, & in omni genere literarum optimè institutus fuit. Is cum prima artiũ rudimenta Gandavi Petro Scoto præceptore feliciter percepisset, sese hinc inde in Galliam & Germaniam ad celebriora gymnasia cõtulit, atq; in primis Parisijs & Louanij plurimũ profecit, ita ut ob præclaram eruditionẽ omnibus Belgis innotuerit, & Louanij inter linguarum professores receptus fuerit. Itaq; Erasmus hũc Adrianũ plurimũ dilexit, atq; ob eruditionem & uitæ integritatem omnibus commẽdauit. Descripsit Adrianus insigniora oppida inferioris Germaniæ: Veterũ quoq; ac recentium iocorũ aliquot libros conscripsit, atq; Coloniae 1529 edidit. Christiani hominis institutionem Aphorismis proposuit, atq; compendiosas artis oratoriæ institutiones Louanij publicauit. Prouerbiales etiam uersus ex Vergilio collegit, atq; cætera huiusmodi præstitit quibus ingenij sui monumẽta posteritati declarauit, ut meritò hoc loco huius Barlandi mentio facienda fuerit. Con. Lycosth. Eras. in Epist.